

稀見地方史料叢書

學苑出版社

中國稀見地方史料集成

董光和 齊希 編

中國稀見地方史料集成

第六四冊

西藏通覽・二
籌藏芻言

學苑出版社

PDG

(日本) 山縣初男撰 四川西藏研究會編譯 清宣統元年鉛印本

西藏通覽・二

新學
社
PDG

東拉嶺各與無數泉流合而相會自西南轉向東南縱橫緬甸北部入雲南省騰越州界始名龍川江

第二節 湖沼

西藏頗多湖沼其大者率在前藏後藏則多鹽池今舉其著者騰吉里湖爲全藏第一大湖在拉薩西北高出海面四千六百四十米突其形東西長南北狹周圍約七十里水極明淨與四面雪峯掩映呈奇中含鹽分甚多味至苦氣候寒冷容易冰結嚴冬之際湖面如鏡土人常往來其上每年至五月內始行摧裂聲聞四隣魚介甚多湖濱有種種小介其中有在太古前已成化石者西藏人尊崇此湖爲靈地佛教信徒稱一周此湖爲哥拉最爲善行足以消滅罪愆雖犯殺人罪哥拉二次卽足以贖之殺父母者行三次可告無罪一周此湖約八日乃至十二

日每年信徒由各地來成羣巡拜陸續不絕云

布爾穆湖甚小在騰吉里湖北以產礪砂有名

牙母魯克池拜底城東南一大湖也中有一大島湖水環繞宛如城濠近時有探究之者始悉湖之南尚有狹隘陸地與島通蓋一半島也海拔四千百七十五米突水清澄而有鹹味產魚介附近居民皆以漁業爲生

伊克湖後藏之一大湖也在後藏西北邊分大小二湖大爲伊克小者稱巴哈納木爾有河流一通流二湖間河之兩岸更有無數小湖率多鹹水罕清淨者云

哥穆動湖適金母西藏界上一大湖也水頗清潔適於飲用附近住民皆仰給於此

當拉裕穆湖爲西藏北部羣湖中最大者在札什倫布北湖中央甚狹兩岸相束其地峽而南北兩部較大宛若葫蘆水稍帶黑色

彭公湖土人稱哥木克那喇令湖意曰明媚而狹長也東起克什米爾境上西達西藏西陲橫斷兩國疆界東西幾達一百英里南北則不過六七英里據歐人所測西部水深約百三十六尺惟污濁不可飲東部則不然清潔足供人用云

馬品木達賴池在後藏西南發源喀巴布山西流滙爲一大池周回三十三里餘狼楚河上源也其水自西流入喇池水色青綠其味甘清則喇池較馬品木達賴稍大其水再西出爲狼楚河色稍黑水味頗惡打魯克雨不撮池札什倫布西羅克多佳山東北一大湖也周圍約四十六里

查布也薩噶湖在打魯克雨木撮池北約三里中產白鹽湖濱居民均採食之多有以採鹽爲業者

嘉零湖在當拉裕穆湖東其形自西北斜亘東南長四十英里幅八英里乃至十二英里水色清澄出西北隅流出爲查爾喀特湖再自其北出爲巴咆諾爾池其中魚族蕃殖水禽羣集惟土人素重宗教無漁獵者云

第三章 氣候

西藏緯度與日本南海諸國大島四國附近相同而氣候則異宛一寒帶地方也終歲陰沍凜烈空氣最燥無論何地寒暑各別土人有十里不同天之語至拉薩則寒暖得宜氣候良好云

藏地概屬高原稱爲低地者其高度尙在二千米突以上全境海拔平

均一萬三千五百尺略與日本富士山巔等是以終歲寒凍至一月尤甚溫度降至華氏寒暖計冰點下四十度水銀概行凝結有經過山巔峯頂者至因空氣稀薄酸素缺乏之故絕息以死一千八百七十二年月拉薩隊商三百人於途中觸瘴氣死者至五十餘人駱駝斃者亦及千頭之多每至冬季湖河悉作堅冰必至海拔二千四百米突乃至三千米突等地始見流水七八月極暑時山頂水亦每有凍結者土人融解之以供飲料至高原地方因天氣常行清朗溫度散於空中故氣候更見寒烈全境除一二地外僅生荆棘柴薪極寡旅人屢爲寒氣所苦無不燃獸糞以取暖故獸糞者藏地唯一之防寒珍物也夜間每多靜穩寒氣亦較稍遜風多北風及西北風冬季如遇此寒氣極烈湖河驟行結冰犛牛長鬚化作冰柱土人視以爲常無異之者歐人某曾於本

魯烏蘇河上流過渡時遙見前方異形之黑色物體五十餘個縈繞成列近而視之則皆野生犛牛之凍死體蓋此物當渡河時北風驟起河水結冰身體不能自由遂致於死其游泳欲前之狀尚由外部歷歷可得而識也又康熙年間有兵三百人自雲南派至西藏屯於瓦河一柱峯下中夜風雪大作人馬悉行凍死氣候變化如此其甚亦足異也日中縱溫而可親北風一來則寒氣刺膚河水成冰更遇烈風則卷砂礫拔草木田圃諸地均受其害農夫當冬初每引河水溉田以防耕土爲其所吹散於作物成熟亦有益蓋良法也

西藏高原寒氣凜烈而雨雪較稀蓋因空氣乾燥使然自印度洋所來雨雪其量殊少南方之恒信風至喜馬拉亞山谷間則成旋風不達西藏也惟喜馬拉亞諸山頂積雪爲旋風威力所劫塵空飄散四境自下

視之宛如自天而降又西藏東部氣候與印度不甚差異其山嶺較諸
西藏西部稍形低下故南風微動則山間降雨時甚多八九十三月中
雨量殊大稱爲此地雨季諸河之發源此地者其水量不得於雪而多
得於雨四五月頃亦多雨其季節早於溫都斯坦平地蓋西藏東部較
高於溫都斯坦空氣冷結既早故蒸氣凝集而作雨亦速也

西藏高原降雪甚稀而氣候則極寒凍南方山嶺千古常蔽白雪故不
丹及印度人稱西藏爲雪國蓋諸國人民俱佳喜馬拉亞山脈以南平
原仰望西藏諸山積雪無垠皚皚呈色因意西藏境內四時俱有冰雪
妄錫此名不知西藏高原空氣因過於乾燥故數月每不見有六出花
卽偶有之復爲飄風所弄飛積谿谷間地上終不見有一點雪痕也西
藏全土積雪不化區域大概拔出海面五千七百米突乃至六千米突

東南隅之山嶺居多云

第四章 人種

西藏人多屬蒙古種細區別之則有甘肅人喀齊蒙古人土耳其人各種族其身幹矮小肩胸廣闊腕及腳腓之大雖與印度人異然手足前部細而美麗則幾與印人同更視其面貌則顴骨高聳鼻根陷下眼色黑暗額部闊展口大唇薄富人皮膚色屬純白惟游牧民則帶黃銅色本地土著者肌膚生皺甚早雖屬丁壯而顏色已呈衰老之象蓋亦風土氣候有以使之然邪

布丹附近喜馬拉亞山谷地中所住人民太古草昧之風日形減退今已漸進於開明之域惟喇嘛薙髮用雷斧石一事於行宗教儀式時尙僅有存者至棲處高原人民則獠犽陋態依然如舊以其家具而言則

至今仍用石器蓋土地險峻交通運輸俱形不便外國人無有貿易來者故不知地球上尚有金屬器具偶得其一則如獲寶物珍惜備至云阿穆圖種者在西藏住民中專以旅行轉徙爲事者也其性質銳敏善於營謀諸業學校教師及喇嘛官吏等大抵此種人最居多數至支那人之在西藏者無官民之別照例俱不許攜帶婦女故駐劄官吏及商人等之流寓此間者皆娶土人女爲婦因此之故西藏與支那本部接近及都會等地雜種日多西藏固有種族漸行減少之勢大演淘汰觀此益信而有徵矣

第五章 風俗

西藏人爲地球上最善人民其性質溫厚仁慈其言行信實可徵其思想高尚幽遠其身體強壯勇悍愛音樂好舞踏如再副以進取氣象實

可稱爲完全國民惟優柔過甚每易服從他人不能自行策厲喇嘛一有所言則不問是非奉如法律無敢反背駐藏大臣如有命令亦能推行無阻至居住高原人民則其性情更形質樸幾與木石豕鹿無異更至西藏東部則其地因與支那本部相接人民漸染漢風性質殊異與他處西藏人殆別而爲二甘巴乾罷二種族最爲著名其性快活而好遊戲雖處他人所不能忍受之慘境亦不以爲意且奉信佛教之心甚淺其子弟無入佛寺者初由喀木地方移住此間專以旅行爲事遷徙四地靡有甯居有遠至克什米爾者惟大部分雖無一定居處然其中亦有不爲旅行止居一地從事農業者云

西藏男子無不懦弱而女子反皆強健有力故普通男子所行事業在西藏中大抵婦女子爲之或耕田鋤野或登山樵採或負重致遠或修

繕牆壁或建築家屋其勞動勝於男子蓋男子所爲幾無不爲者乃男子對之反不過有僅行幫助之態貿易亦婦人多爲之者且在家則自庖厨紡績裁縫以至梳洗老幼頭髮等內外巨細一切家事均以一身擔任無不處置裕如其勞苦雖可想像然西藏婦人不以爲意反有滿足之狀亦習慣所致有使之不得不然者歟更反觀西藏男子則概屬懶惰無能時或從事耕種然亦不過補助婦女之所不及積貨物於牛馬上使之負載非得女子扶助之力則亦不能畢事婦女強健如此故傭役之事動輒及之其筋力之發達異常全由勞動不已所致惟西藏婦女既無不終歲勤苦然至其女權之強大亦足令人驚嘆蓋不以淫奔爲恥如有桑中約則明告其夫與之狎接夫亦怡然自得不視爲過失也如夫婦相悅則厮守無事一旦反目則去自擇其所好者委身事

之所謂婦女子宜以貞操淑行爲重在此邦中固無有以爲意者閨閭威權如此之大蓋亦男子優遊惰畧結果勢有所必至者哉

第一節 職業

藏人職業因種而異自尼泊爾布丹移住者多來拉薩專以金銀銅錫玉石等細工爲業所製作如縫箔金銀銅錫珠玉諸器及婦女首飾等物無不精巧絕倫其雕鏤人物花卉之象亦形神畢肖此等移住民其風俗與他種人自有迥然相別者惟至一般儀式則與藏人無異又回教人民自克什米爾移入拉薩者亦屬不少其容貌秀麗可觀不改固有風俗戴土耳其帽蓄長髯言語莊嚴雖身居佛教國西藏中然固守謨罕麥德之教不出入佛寺回教以外不通婚媾自爲一種特別生活在此地專以販銀及布帛爲事喇嘛法王設總監一以統轄其全族

人口由是觀之藏人因種族不同故所操職業亦異惟其大半尙爲游牧生活逐水草轉徙四方專以蓄殖畜牧爲事以農爲業之土著民甚屬少數據歐人所言則亞細亞在古代中農業最盛云

木石工匠均極精巧有以金銀銅錫鏤爲細絲穿貫佛珠者有以作器皿及婦女首飾者雕刻人物花卉無不惟妙惟肖則與支那同

第二節 衣冠

衣冠之制應其人民等級各有差別達賴及班禪冬帽以氈氍（毛絨物）一羊絨爲之其形上尖下大其色尙黃夏帽以金色皮爲之甚似竹笠衣服有內衣外衣之別內衣原料爲氈氍與支那本部砍肩兒相似外衣爲紫羊絨之單衣以帛交縛其上足所着或爲錦韉或爲皮履腰部用帛周圍宛如束帶春冬常露半臂其餘喇嘛服裝大略相似不過

有精粗之別而已。噶布倫戴倖第巴等諸官頭髮不用綰束垂於背後，綴短纓戴半頂冠，亦有以獺皮覆於頂上者。手持念珠，身束皮帶，遇令節及公事時，在倫則兩分其髮於頂左右，綰爲一髻，身着蟒衣，上被以細緞之褶巴。大領無袂之小袖衣。噶巴亦綰髮爲一髻，冠無翅之白紗帽，左右耳俱着耳環，以綠松石或珊瑚爲之，其大幾與桃相等，形似鳥喙。身服大領穿袖之綠錦短衣，下束黑褐色之百褶裙，足履皮鞢，腰用紅色花緞爲帶，兼佩刀。刀自噶布倫以下，以迄士民，手上通附骨，珓人民服大領無袂之褶巴，原料爲氍毹細絨等，因貧富而生差別。帽子亦然，或有著白冠者，腰用皮或毛褐爲帶，附着小刀，順刀皮袋、火鑪等物，並各懷木碗一個，與蒙古人不異也。婦女兩分其髮，各結束爲繩狀，垂於腦後，以細爲佳。女子在未嫁時，則腦後別分一辮，以寶石、珍珠、珊瑚之類綴其